

聖蹟圖

聖迹圖



按祖庭廣記云先聖生有異質凡四十九表反首
注面月角日準河日海口龍顙斗唇昌顏均頤
輔喉駢齒龍形龜脊虎掌胼脅修肱參膺圻頂
山臍林背翼臂注頭阜頰堤肩地足谷竅雷聲
澤腹修上趨下末僂後耳面如蒙俱手垂過膝
耳垂珠庭眉有一十二彩目有六十四理立如
鳳峙坐如龍蹲手握天文足履度字望之如仆
就之如升視若營四海躬履謙讓胸有文曰制
作定世符身長九尺六寸腰大十圍

贊

孔子孔子大哉孔子孔子之前從無孔子孔
子之後更無孔子孔子孔子大哉孔子

尼丘禱嗣



語云孔子母徵在禱于尼山而生孔子首上圩頂
象尼丘因名丘字仲尼按叔梁紇有九女而
無子妾生孟皮字伯尼有足病于是乃求婚于
顏氏顏氏有三女其小曰徵在顏父問三女曰
陬大夫父祖爲士然其先聖王之裔今其身十
尺武力絕倫雖年長性嚴不足爲疑三子孰能
爲之妻二女莫對徵在進曰從父所制何問焉
父曰卽爾能矣遂以妻之徵在旣往廟見以夫
之年大懼不時有孕而私禱尼丘之山以祈焉
顏氏升之谷草木之葉皆上起降之谷草木之
葉皆下垂

贊 尼山巖巖魯邦所瞻降靈自母孕聖歸男旣
驗以形遂命以名草木震動萬古文明



孔子未生時有麟吐玉書于闕里其文曰水精之
子繼衰周而爲素王顏氏異之以繡紱繫麟角
信宿而去懷妊十一月而生

贊 麋身牛尾肉角馬蹄仁獸聿至誕聖何疑吐
書繫紱信宿而去妊懷素王安得不異

龍繞星降



魯襄公二十一年己酉十月辛亥朔庚辰越二十

一日庚子甲申時孔子生於魯國之昌平鄉陬

邑孔子誕生之夕有二龍繞室五老降庭

五老者金

木水火土五星之精也

贊

龍德變化麟蟲維首五行迭乘運行不朽宣

聖克膺二瑞集焉生民未有夫豈偶然



顏氏之房聞鈞天之樂空中有聲云天感生聖子
故降以和樂之音故孔子生有異質凡四十九
表胸有文曰制作定世符

贊 鈞天錫允和樂普聞制作定符厥有明文闕
里挺生異質種種四十九表昊蒼誕鍾



少陳俎豆

史記孔子生三歲而叔梁紇死在魯五六歲時爲
兒嬉戲常陳俎豆習禮容由是羣兒效之相與
揖讓名聞列國七歲入晏平仲學

贊爲兒嬉戲俎豆是持登降俯仰有容有儀不
學而能不聞而識化洽羣童名聞列國

初任委吏



孔子既長常爲季氏委吏料量平朱子曰委吏本作季氏吏索隱云一本作委吏與孟子合今從之

贊 宣聖筮仕委積是司會計當理料量適宜才大任卑安行自得不貴盡才所貴盡職

載官乘田

